



Broj: 0101-4989-5/19
Sarajevo, 11. 11. 2019. godine

Na osnovu člana 70. stav (1), (3) i (6) Zakona o javnim nabavkama BiH („Službeni glasnik BiH“, broj: 39/14) i člana 62. Statuta Univerziteta u Sarajevu, nakon provedenog otvorenog postupka za javnu nabavku usluge Održavanje aplikacijske infrastrukture, na preporuku Komisije za javnu nabavku broj: 0101-4989-4/19 od 06. 11. 2019. godine, rektor Univerziteta u Sarajevu donosi sljedeću

ODLUKU **o izboru najpovoljnijeg ponuđača i dodjeli ugovora**

Član 1.

Prihvata se preporuka Komisije za javnu nabavku broj: 0101-4989-4/19 od 06. 11. 2019. godine i ugovor o javnoj nabavci usluge – Održavanje aplikacijske infrastrukture se dodjeljuje ponuđaču JLZ DOO, Fra Anđela Zvizdovića 1, 71000 Sarajevo, čija ukupna cijena ponude iznosi 32.000,00 KM bez PDV-a (slovima: tridesetdvijehiljadeM i 00/100), iz razloga što je u otvorenom postupku po ponudio najnižu cijenu tehnički zadovoljavajuće ponude u skladu sa članom 64. stav (1) tačka b) Zakona o javnim nabavkama BiH.

Član 2.

Izabrani ponuđač JLZ DOO, Fra Anđela Zvizdovića 1, 71000 Sarajevo, je obavezan dostaviti originale ili ovjerene kopije ovjerene kopije dokaza traženih tačkom 13. Tenderske dokumentacije, ne starije od tri mjeseca od dana predaje Ponude.

Član 3.

Ova Odluka će se objaviti na web stranici Univerziteta u Sarajevu www.unsa.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

Obrazloženje

Na osnovu Odluke o pokretanju postupka javne nabavke broj: 0101-4989-2/19 od 01. 10. 2019. godine, Univerzitet u Sarajevu je pokrenuo otvoreni postupak za javnu nabavku usluge – Održavanje aplikacijske infrastrukture

Za provođenje postupka predmetne javne nabavke, Odlukom broj: 0101-4989-3/19 od 01. 10. 2019. godine, imenovana je Komisija za javnu nabavku u sastavu: predsjedavajuć Dr. Elmedin Selmanović, te članovi Azra Ramić i Bojan Crnogorac. Za zamjenske članove imenovani su Mersida Karačić i Semir Đulić.

Obavještenje o nabavci broj: 999-1-2-92-3-78/19 objavljeno je na Portalu javnih nabavki dana 08. 10. 2019. godine.

Istog dana na portalu javnih nabavki objavljena je i Tenderska dokumentacija broj: 0101-4989-3/19.

Iz Izvještaja o preuzimanju tenderske dokumentacije od strane ponuđača, preuzetog sa Portala javnih nabavki 29. 10. 2019. godine u 7:12 sati, vidljivo je da su, u periodu koji je ostavljen za

dostavljanje ponuda, sa Portala javnih nabavki Tendersku dokumentaciju preuzeli slijedeći potencijalni ponuđači: AGILITAS DOO, LANACO DOO, BBS EUROPE, EKAPIJA DOO, PROINTER ITSS DOO, MIBO KOMUNIKACIJE D.O.O. JLZ D.O.O, QSS D.O.O, PING D.O.O, ATIA DOO SARAJEVO, S CONSALTING D.O.O. MOSTAR i DISTI D.O.O.

Iz Izvještaja o pitanjima i odgovorima u vezi sa Tenderskom dokumentacijom, preuzetog sa Portala javnih nabavke 29. 10. 2019. U 7:12 sati, vidljivo je da pitanja i zahtjeva za pojašnjenje tenderske dokumentacije od potencijalnih ponuđača **nije bilo**.

Na Tendersku dokumentaciju nije bilo žalbe od strane potencijalnih ponuđača.

Iz Zapisnika Komisije je vidljivo da je dana 29. 10. 2019. godine u 10,15 sati održano javno otvaranje blagovremeno dostavljenih ponuda slijedećih ponuđača:

R. br.	Naziv i sjedište ponuđača ODRŽAVANJE APLIKACIJSKE INFRASTRUKTURE	Broj prijemnog protokola	Datum i vrijeme prijema ponude
1.	JLZ DOO, Fra Anđela Zvizdovića 1, 71000 Sarajevo	0101-9423/19	28.10.2019. 11:20

Na javnom otvaranju ponuda nije bilo prisutnih predstavnika ponuđača.

Zapisnik sa otvaranja ponuda je isti dan putem pošte poslan na adresu ponuđača.

Iz Zapisnika Komisije za javnu nabavku je vidljivo da nije bilo neblagovremenih ponuda.

Iz Zapisnika Komisije je vidljivo da Komisija za javnu nabavku nije imala nejasnoća u ponudama ponuđača, niti je bilo grešaka u dostavljenim ponudama.

Iz Zapisnika Komisije za javnu nabavku je vidljivo da se Komisija sastajala u periodu od 29. 10. 2019. godine do 06. 11. 2019. godine, da bi utvrdila da li je ponuđač ispunio uslove iz člana 45. do 50. Zakona o javnim nabavkama koji su traženi Tenderskom dokumentacijom, kao i da bi utvrdila da li je ponuđač dostavio tehnički zadovoljavajuću ponudu u skladu sa zahtjevima iz Tenderske dokumentacije, te da li je kvalifikovan za izvršenje predmetne usluge.

Iz Zapisnika Komisije je vidljivo da je Komisija ponudu ponuđača JLZ DOO, Fra Anđela Zvizdovića 1, 71000 Sarajevo, ocijenila kao prihvatljivu, odnosno tehnički zadovoljavajuću, s obzirom da je ispunio sve uslove za učešće propisane članom 45. do 50. Zakona o javnim nabavkama, te sve minimalne uslove koji su utvrđeni Tenderskom dokumentacijom.

Iz Zapisnika Komisije za javnu nabavku je vidljivo da je Komisija provjerila računsku ispravnost dostavljene ponude i utvrdila da u ponudi ponuđača JLZ DOO, Fra Anđela Zvizdovića 1, 71000 Sarajevo, nije bilo računskih grešaka, ali da je ovaj ponuđač u obrascu za cijenu ponude – PRILOG II iskazao ukupnu cijenu bez PDV-a, ukupnu cijenu sa PDV-om, a propustio je iskazati iznos obračunatog PDV-a. Komisije je ocijenila da se radi o formalnom propustu koji, međutim, ne utiče bitno na ocjenu dostavljene ponude ovog ponuđača.

Komisija za javnu nabavku je, prema kriteriju najniža cijena, sačinila rangiranje prihvatljivih ponuda, na slijedeći način:

Redni br. na rang listi	Naziv i sjedište ponuđača	Ponudeni popust	Ukupna cijena ponude
1.	JLZ DOO, Fra Anđela Zvizdovića 1, 71000 Sarajevo	0,00	32.000,00 KM bez PDV-a 5.440,00 KM = PDV 37.440,00 KM sa PDV-om

Iz Zapisnika Komisije je vidljivo da u predmetnom postupku javne nabavke nije bilo potrebe za podnošenjem zahtjeva za objašnjenje cijene ponude.

Komisija za javnu nabavku je dala preporuku rektoru da za nabavku usluge: ODRŽAVANJE APLIKACIJSKE INFRASTRUKTURE, donese odluku o izboru najpovoljnijeg ponuđača i dodijeli ugovor ponuđaču JLZ DOO, Fra Anđela Zvizdovića 1, 71000 Sarajevo, čija ponuda je u skladu sa kriterijem najniža cijena tehnički zadovoljavajuće ponude, ocijenjena kao najpovoljnija sa ukupnom cijenom ponude od 32.000,00 KM bez PDV-a (slovima: tridesetdvijehiljadeKM i 00/100).

Iz gore navedenih razloga, primjenom člana 64. stav (1) tačka b) Zakona o javnim nabavkama BiH, prihvaćen je prijedlog Komisije za javnu nabavku i odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

REKTOR


Prof. dr. Rifat Škrijelj



Dostaviti:

- JLZ DOO, Fra A.Zvizdovića 1, 71000 Sarajevo
- Prorektor za finansije
- Služba za računovodstvo i finansije
- Generalni sekretar
- Služba za javne nabavke
- web stranica UNSA
- a/a

Prilog: Zapisnik o pregledu i ocjeni ponuda